

Enformaziuns y Comunicaziuns



Cortina: Le Comune de Mareo y la Ploania d'Al Plan chir na porsona/na dita co se mêt a desposiziun da ciaé les fosses. Chi co é enterescês, pó damané dô enformaziuns plü monüdes **te Comune, o pal assessur Paul Pisching al 347 5539149.**

KVW Senioreclub: En dedemesaledema **ai 22 de merz ales 17:00 (!)** él te dljia Les Staziuns por i seniorens, abelides dal cor dal Senioreclub.

Ministronc: I grups dai ministronc y schires joniles dla Val Badia, con le grup dles families dla Unité Pastorala y le Sorvisc ai Jogn, organisèia **en sabeda ai 25 de merz na prozesciun da San Linert sò Oies**, con Les Staziuns portades dant dai mituns. An pèia ia ales 14:45 dan calogna da San Linert, ales 16:00 él mësxa lassö, dedö aorela cörta y picio büfê. Düc canc, dandadöt families con mituns, é bel enviês.

Conzert: Le Vinzenter Knabenchor, sot ala direziun de Andrea Tasser, envièia al conzert de Carsèma „**Ein Lied von der Größe des Herrn**“, **en domègna ai 26 de merz ales 18:00**, te dljia de Badia.

Cörs dla Val Badia vá a piz: Stimada comunité, con cöst'edema é ofizialmonter jü a piz le proiet „Cörs dla Val Badia“, co á motü man dan 2 agn por se daidé fora tla ria situaziun dal Covid. Te cösc tomp án podü daidé passa 150 families con spèisa y 43 families con sostèn finanzia. Sèn che le Covid é passé y che al é por düc da laür assá, á le grup de laür tut la dezijiun da slü jö le proiet. **Porchël vègnel perié da nia plü fá spènores sön le cunt.** En iolan i vá a dötes les porsones co á contribuí de val' vers, cumprenn ete spèisa, fajenn spènores, o zonza con val' sorvisc.

Curs: Le Sorvisc ai Jogn y le Consèi de Formaziun Badia mêt da jí en **curs da cujiné por düc (dai 15 agn ensö).** Le curs é ai 31.03 (18-21h - derzades sciomples) y ai 1.04. (13-16h - duciaries) tal Zënter SaJ.un sò La Ila. Referènt é Simon Valentini. Iscriziuns anter i 28.03. ala cf.badia@rolmail.net o al 338 4886447 (Karin).

Dotur: Le dotur Eduard Agreiter lascia alessèi **che al é demez dai 27 ai 29 de merz.** Al vèn sostituf dla dra. Margarete Mahlknecht, che an ciafa al 349 0667034.

Mituns: Le Museum Ladin envièia mituns y mitans a en domisdé de creativité, olache al vèn **emparé les tradiziuns dla domègna dal orí y fat deboriada les granars.** An s'encunta en dedemesaledema ai 29 de merz tal salf dles mostres dal Museum: 14:30-15:30 mituns dla scolina, 16:00-17:00 mituns dla elementara. Cost: 5,00€ a möt. **Iscriziuns ala mail prenotaziuns@museumladin.it**



Plata dla Ploania Al Plan de Mareo San Vigile

Ploian: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann A

**19.03.2023 - Cuarta domègna de Carsèma - Laetare
Festa de Sant Ojep - Festa dai peri - Dé dal Seminar**

nr. 17

Gejú varèsc le verc

Dal Vangelo dô san Jan 9, 1-41

¹Jenn por tru, á Gejú odü en èl co ea verc da so nadé ensö. ²Danló l'á sù discepuí damané: Rabbi, che á pa fat picé? Èl enstès? O á sù geniturs fat picé, ch'al é nasciü verc? ³Gejú á rospognü: No sù geniturs, no èl n'á fat picé, mo l'opera de Dio dess gní manifestada pa d'èl. ⁴I messun, tan dio ch'al é dé, adomplí les operes de chël co m'á mené; al vèn la net, olache degügn ne sciafia plü da fá val'. ⁵Tan dio che iu sun tal monn, sunse iu la löm dal monn. ⁶Dô ch'al á albü dit cösc, ál spodé ia por tera; spo ál fat con la spöda na pasta, ti l'á sferiada al verc söi edli 7 y ti á dit: Vá y laete tal lé de Sciloa; (...). L'él é jü y s'á laé. Y canch'al ea endö gnü, odèl. (...) **Parora dal Signur.**



A cösc dessun renunzié: a violènza te nosc ponsé, baié, fá



Gejú é raité sön en müsc ete tla ciüté de Ierusalem, ciamó lapró sön en müsc co n'ea gnanca so. Le müsc é simbol de pêsc y dal nia avèi autorité sön cösta tera. Gejú n'á degün podèi sön cösta tera. So „règn“ sön cösc monn romagn fragil. **Mo mâ tres Èl vèn le monn dègn da vire, plü uman y manco frèit.** Nia i violènc, i radicali, i hardliner, chi co fej tēma, i aroganc, i revolucionars ne fej nosc monn plü uman - gnanca chi co la mina bona danter chisc. Ai lascia dagnora zoruch spidic, sanch y gonot ince morc. Cösc odunse tai vangeli tla storia dla pasciun con Barabbas, na ria porsona. Al fej ponsé che l'ennom „Barabbas“ ô dí „Fi dal pere“. **Gejú** co é te döt en ater significat „Fi dal pere“ ô se trá sön söa pert: èl **stá por la nia-violènza, la bunté, la lereté, la fedelté, por dediziun, reconziliaziun y por la sügherté che Chël Bel Dio enstès é döt cösc.** Da ci pert stunse pa: dla pert de Barabbas o da chëra de Gejú? Tla Ucraina comana da plü co en ann encá i ciarsarmês, les ermes, les bombes y le terur. Döt cösc lascia zoruch ci che vigne vera lascia: destruziun, umiliaziun, violaziun dla dignité umana, müciadus, tēma y mort. **Periun gonot sèn de Carsèma por la conversciun de chës porsones co é responsables de cösta vera y de dötes les atres veres.** I periun por nos dô ponsiers, parores y sègni de reconziliaziun. **Signur, fá fora de me en stromont de töa pêsc** – te mia familia y parontela, te mia vijinanza y ploania, tla Dljia y tla sozieté. (Dala lētra pastorala, Carsèma 2023)

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org

Edema liturgica dai 19.03. ai 26.03.2023

DOM 19.	Cuarta domëgna de Carsëma "Laetare"		<i>De dal Seminar</i>
06:30	Festa de Sant Ojep om de Santa Maria gran mëssa por dōta la ploania		<i>oferta por le Kassian-Tschiederer-Werk</i>
	dal ann por +nt Josef Pescoller, Joblere		DEU
	dal ann por +nt Isidor Rindler de Costata		
	+nt Matthias Resch - +nc' Lena y Franz Flatscher		
	+nta Olga Huber Unterweger - +nta Hedwig Willeit Miribung		
10:00	<i>gran mëssa a La Pli</i>		
18:00	les staziuns		
Lön 20.	<i>Irmgard, Claudia</i>		
19:30	<i>s.m. a La Pli</i>		
Ded 21.	<i>Christian, Benedet, Emilie</i>		
07:30	<i>s.m. a Antermëia</i>		
19:30	corona		
Dem 22.	<i>Lea, beat Clemens August, Elmar</i>		
!!! 17:00	les staziuns		
Jöb 23.	<i>Turibio Mongrovejo, Rebeca</i>		
07:30	<i>s.m. a Rina</i>		
9:30	signor ploan va a proveder		
Ven 24.	<i>Elias, Oscar Romero, Caterina, Simon</i>		
07:20	s.m. por i scolari		LAD
	+ntes sorus Maneschg da Cianeï - +nt Lois Mutschlechner, Longega		
	+nt Erardi Celestino - +nc' Pisching de Candido – por les Püres Animes		
18:00	les staziuns		
Sab 25.	GRAN FESTA DL'ANUNZIAZIUN DAL SIGNUR, Annunziata		
07:30	<i>s.m. a La Pli</i>		
17:30	Corona		
18:00	s.m. prefestia		ITA
	dal ann +nta Rita Kaneider Rungger - +nc' dla familia Taibon Brugger		
	+nc' Bepo y Rosina Pitscheider, Ciasé - +nta Pisano Lidia		
	+nta Anna Erardi Zunino - +nta Carla Corbe Tonion		
	+nc' Hans y Maria Erlacher y Hubert Alton		
DOM 26.	Cuinta domëgna de Carsëma		<i>Luidger, Larissa (Lara), Tecla</i>
06:30	<i>gran mëssa a La Pli</i>		
10:00	gran mëssa por dōta la ploania		<i>oferta por la ploania</i>
	dal ann por +nt Eduard Ties da Taibun		LAD
	dal ann por +nc' Maria y Franz Comploi		
	dal ann por +nt Fighile Erlacher da Torpei		
	+nt Edi Pizzinini - +nta Judita Ties - +nta Angela Erlacher Kaneider		
18:00	les staziuns		

Möge sich jede Arbeit in Segen verwandeln, jeder Segen aber in eine Stufe der Treppe ins Paradies. (Altirischer Segenswunsch)

IV domëgna de Carsëma

Gejü oress daurí i edli por i valurs dla vita.

Le Signur nes á dé i edli dal corp, la löm dal spirit, la forza dal cör. Chël co ne vëiga nia con i edli, é püre, chi co ne vëiga nia con le cör, é ciamó plö püri.

La IV domëgna de Carsëma á en ennom: "Ralegresse!" Le motif dla ligrëza nominëia S. Paul tla 2a Letöra: " I êse scürité, mo sëgn sëise dontés löm tres Chël Bel Dio."

Tla 1a Letöra aldiunse: Le Signur ne ciara nia sön ci che la porsona vëiga: sön forza esteriora y imaja. Dio ciara al cör dla porsona.

Ince tal Vagnele dla varijiun dal verc, nen vara dal dërt odëi, dal tentatif de varí chi co vëiga.

Al é na vercité, co é plö deslariada fora co le nia odëi con i edli: le fanaticism, i preiudizi, l'odlada co vëiga mat se enstës. La vercité scraionta, co brontora de döt ci che ara ne capësc nia y ne ó nia capí. La fede pó daidé: la fede co vëiga le proscim desche al é: desco porsona, Fi de Dio.

Gebet:

Gott, öffne mir die Augen,
mach weit meinen Blick
und mein Interesse,
damit ich sehen kann,
was ich noch nicht erkenne.

Gott, öffne mir die Ohren,
mach mich hellhörig und aufmerksam,
damit ich hören kann,
was ich noch nicht verstehe.

Gott, gib mir ein vertrauensvolles Herz,
das sich deinem Wort
und deiner Treue überlässt
und zu tun wagt,
was es noch nicht getan hat.
Gott, ich weiß, dass ich nur lebe,
wenn ich mich von dir rufen
und verwandeln lasse.
Amen.

Sorvisc dai Ministronc

Dedemesaledema 22/03 (17:00h): Emily Agreiter, Emma Irsara, Emma Mutschlechner, Andy y Lisa Ploner;

Vendres 24/03 (07:20h): Anja, Emil y Paul Ellecosta, Amelie Erlacher, Elena Frenademetz, Anita Possamai;

Vendres 24/03 (18:00h): Lisa y Mateo Alberti, Alexander Clara, Angela y Christian Trebo;

Sabeda 25/03 (18:00h): Maja y Matilda Complojer, Diana, Madalena y Matthias Deval, Sophie y Valentina Erlacher, Niki Fappani, Felix, Lena y Melanie Feichter, Emily Leonardelli, Anna Promberger;

Domëgna 26/03 (10:00h): Roman Kaneider, Antonio Mauro, Armin y Simon Trebo;

Domëgna 26/03 (18:00h): Lisa y Mateo Alberti, Alexander Clara, Angela y Christian Trebo

N.B.: Düc i ministronc é entres begnodüs da gní a sorví, ince sce ai n'é nia scric sö!

Foto: Peter Kane



Ein kleines Kreuz hält Josef in der Hand, nach dem das Jesuskind, das er auf dem Arm trägt, zu greifen scheint. Auch Josef ist ein Vater, der seinen Sohn verliert, auch wenn die Evangelien nicht erzählen, dass er Zeuge der Kreuzigung gewesen ist.

